

I. N. J. F. VAR. B

DISSERTATIO HISTORICO-
POLITICA

12.

De
CONVENIENTIA

Inter

**DOG M A T A N I C.
MACHIAVELLI**

Et

**VITAM OLIVERII
CROMVELLI**

Protect. Angl.

cujus PARTICULARAM POSTERIOREM

Cum Consensu Ampliss. Facult. Philos. in
Regia Academia Aboënsi

PRÆSIDE.

**VIRO CELEBERRIMO
Mag. ALGOTO SCARIN**

Hist. & Moral. Prof.

PRO GRADU

Publico bonorum examini D. V. submittit

S:æ R:iæ M:tis Alumnus

JOHANNES E. FORSMAN

Sudermannus.

Die 19 Jun. Anni MDCCXXIX. Loco & horis consuetis.

HOLMIAE, Typis MERCKELLIANIS.

17 SERGATQ MEGICO
TOLTECA

COMUNIENSI

EX ALTA MEXICO
MACHIAVELLI
HOMO OLIVARI
CROMBELE

Notice April

Cultura artificiosa insatiationem

Quod exponit Michael Fagius Magister
Expositio libro de laudibus et

Expositio libro

ALIO CEREBRIMO

ALIO O Q EPISTOLAE
Hoc est. Et hoc est.

ALIO CEREBRIMO

ALIO CEREBRIMO
ALIO CEREBRIMO

ALIO CEREBRIMO

ALIO CEREBRIMO



D. D.

§. IX.

POstquam in antecedentibus obiter monstravimus Nic. Machiavellum & Oliv. Cromvellum ad communem scopum collimasse, e re est, ut circa artes eundem obtinendi ipsos quoque convenisse porro indicemus. Quemadmodum igitur Machiavellus de principe agere instituerat, sic quoque varios principatum adquirendi modos silentio neque præterire potuit. Et quemadmodum principatus vulgo habetur vel hæreditarius, vel non hæreditarius, ita duplice in potissimum modum eum aucupandi quoque dari agnoscit. In principatu hæreditario, neminem extra familiam principis ad imperii fasces admitti novimus, secus si fiat hæreditarius esse definit. Ad

principatum autem non hæreditarium,
etiam privatum, vel propria virtute &
civium favore, vel scelerato ac nefario
modo, adjuvante fortuna, provehi
recte monet & exemplis, in primis A-
gathoclis Siciliæ Tyranni, Machiavellus
comprobat. Favoris civium verbo dun-
taxat meminisse ipsi visum est, ut de
ceteris, imperium invadendi, artibus,
tanquam tyrannico dominatui magis
propriis, eo copiosior ipsi differendi fa-
cultas suppeteret. Supponit itaque vir-
tute ipsum in primis excellere, qui ex
privato, ut ita dicam, pulvere assur-
gere studet; quam tamen tantæ mo-
li movendæ vix sufficere putat, nisi
simul fortunæ studiosissime obediat &
ejus occasionem etiam minimam probe
observet. Ut autem fortunam, quam
fœminæ assimilat, sibi familiarem red-
dat, fuste h. e. juvenili libidine & teme-
raria fiducia eam subagitari probat (a).
Sed quid ineptius & sanæ rationi ma-
gis contrarium a Machiavello unquam
profer-

proferri potuit? Etiam si concedendum,
 audaciam & præcipitantiam nonnun-
 quam circumspæcta cautione feliciorum
 esse, & temere incepta prosperum ali-
 quando assequi eventum; quemadmo-
 dum de Alexandro Magno Curtius i-
 dein passim testatur & Ol. Cromvellus
 suo nos edocet exemplo; qui nisi præ-
 cipiti temeritatis suæ calcare despera-
 tam quodammodo fortunam circa Hul-
 lam, oppidum Eboracense incitare de-
 stinasset, eo cum perventum esset, ut
 arma capesserent rex & Parliamentum,
 vix unquam de sceptris Angliæ in poste-
 rum sibi gratulari potuisset. Attamen
 pietatis & prudentiæ cultoribus ubique
 hanc incedere viam, impium non mi-
 nus quam periculosum esse experientia
 olim docuit. Verum priusquam hæc
 uberius explicemus, cauſas funeſtissimæ
 inter regem Carolum & Parliamentum
 exagitatiæ diſſenſionis, quam tragica re-
 gis decollatio tandem inſeqvuta eſt, ab
 ipſo fundamento ad Ol. Cromvelli tem-

pora repetere forsan juvabit, ut series rerum deinceps gestarum eo melius constet, quæ tum inter se, tum in relatione ad suas caussas nexus indissolubili implcantur.

(a) Machiavell. Princ. Capp.

§. X.

Fatales, quos magna Britannia superiori seculo passa est motus, (si primam originem quæras) communiter imputari solent duabus in Ecclesia factionibus, Presbyterianorum seu Puritanorum vulgo deinceps Whigs ; & Episcopaliū, qui & Semipapistæ, vulgo Torrys dicuntur. Horum nomina tempore Elisabethæ Angliæ reginæ primum audita sunt, præsertim cum multi a Maria papizante expulsi, postliminio in patriam reduces, reformationem ab Elisabetha susceptam non in omnibus probarent: ritus & ceremonias quasdam, nec non Hierarchiam ægre ferrent & omnimodam cum Ecclesia Genevensi conformitatem urgerent. Quæ displi-

displicentia in apertum schisma pri-
mum, mox odia mutua atque ani-
morum distractionem erupit. Et
licet Jacobus eo nomine VI. Scotorum
rex, qui Elisabethæ successit, convo-
cata Londini Synodo & publica inter
dissentientes disputatione indulta, li-
tem componere studeret; & an Episco-
patus retinendus vel secus sedulo inqui-
rere videretur, frustra tamen omnia e-
rant. Studia enim partium & odia dis-
sidentium indies augebantur, præterea-
que nihil; quoniam acerrimo zelo in
gratiam Regis qui Episcopis nimium
favebat, non modo acriter disputatum,
sed postremo etiam Episcopis victoria
concessa fuit. Qua elati hi Non-Con-
formistas, Separatistas & Brounistas
(ita enim nominabantur quotquot Sy-
nodi, id est Cleri aëtis subscribere re-
cusarunt) erroris arguere & ut regis &
monarchiæ infensissimos hostes palam
traducere conabantur. Post Synodum
etiam Perthensem Anno 1616. celebra-

tam, in Scotia, qua multos annos exularant Episcopi, fremente populo & reclamatibus multis ex ordinibus, rursus restituti sunt, auctoritate regis Jacobi, qui uniformitatem ecclesiæ, cum unione & concordia regnum indissolubili nexu cohærere, urgebat Exasperabantur adhuc vehementius partium animi, cum Carolus I. conflatam ab Episcopis Liturgiam gravissima in recusantes sancita pœna, Scotis ubique recipiendam imponeret & Puritanismum penitus abolendum infausto omine aggrederetur. Quid? quod paulo ante multos quoque ex ordine equestri bonis ac possessionibus suis vi exuerat rex idem, quas profligato papismo, ecclesiasticis, utilissimo eorū quorū intererat, instituto & consensu creptas, jam per aliquot lustra maiores suos secure & bona fide tenuisse sibique etiam innoxio hæreditatis jure deberi posteri prætendebant. Quapropter Sacerdotibus per Scotiam tumultum ob novam Liturgiam concitantibus

tibus junetas hi quoque dedere manus
& funestam regi moverunt seditionem.
Quæ quidem post biennium ad nutum
Scotorum composita fuit, remanente
nihilominus somite omnium insequen-
tium malorum. Horum præterea ma-
lorum etiam in causa fuisse diversa &
plane contraria Jacobi & Elisabethæ
statum conservandi principia breviter
& nervose probat Georg. Hornius.
„Principia, inquit, Elisabethæ duo fue-
runt, I. Perpetuo defendere partem “
protestantium contra pontificios. “
II. Potentiam Hispanorum quibus “
cunque posset modis debilitare & “
frangere. Hinc Francis, Belgis, Lusi- “
tanis perpetua contra Hispanos auxi- “
lia tulit. Hæc duo principia statim “
funditus evertit Jacobus, pace facta “
cum Hispano & Protestantibus cala- “
mo quidem, quod etiam privati pos- “
sunt, sed non gladio defensis. Hinc “
paullatim corruptio in aula & ipsa “
Anglorum gens per se bellicosa, desve- “
tudine “

„tudine armorum res novas cupere & affectare cœpit (a). Quod pluribus declarat Pufendorfius (b). Ut taceamus, quod multis persuasum sit, Anglos seditionum ac rerum novarum moliendorum, natura esse studiosissimos. Unde apud historicos Anglia passim audit seditionum, conjurationum & similiūm quasi domicilium; civilique conspiratione XII. reges & ultra LXXX. regiæ stirpis homines claros brevi tempore ibidem interfectos apud Bodinum legimus (c). Quemadmodum diram immanitatem illam Maria Scotiæ regina morti adjudicata justo sarcasmo quoque perstrinxit (d). Carolus iterum non solum Elisabethæ, verum & Parentis Jacobi consiliis contraria moliebatur; cum ille, uti Pufendorfius; judicat (e) multo aliter ac pater in rem militarem affectus esset; prætereaque imperio populari vehementer infensus & sibi parum constans, ab uno extremo ad alterum faciles saltus ficeret & Episcopaliū blan-

dimen-

dimentis ac intempestivis in Puritanos
 querelis credulas nimium præberet au-
 res, quin & Pontificios mitius quam Pu-
 ritanos perpetuo haberet. Quo factum
 est, ut malitiosorum consiliariorum
 instinctu & jurisconsultorum quorun-
 dam Papizantium responsis seductus
 nova tributa & insolita vectigalia, pro-
 lubitu, imperaret, non convocato Par-
 lamento, quod e diametro cum legibus
 regni fundamentalibus pugnabat & lo-
 cum suspicionibus ab utraque parte da-
 bat. Tandem propter conflatum turbi-
 dis hisce temporibus æs alienum, Sco-
 torum rebellionem aliasque caussas,
 summa necessitate adactus rex, Londini
 Parliamentum convocat, sed cum ejus
 dissolvendi potestate satis imprudenter
 se ipsum exueret, potentiam Parlamenti,
 quam antea imminutam studuerat, in-
 suum exitium insigniter auxit. Cujus
 cum regem sero pœniteret facti, in-
 dignabundus in Scotiam iter meditatur
 infelix. Cumque eodem tempore re-

bellio Hibernorum erumperet, inde quoque profectio eadē adhuc amplius populum ab ipso abalienavit. E Scotia quidem Londinum revertitur rex, sed videns populi affectionem multum imminutam mox abiit, & missa in Hollandiam regina, bellum moliri & armamentarium totius Angliæ Hullæ reservatum intercipere frustra tentavit. Hinc rex, qui precarium saltem imperium, incaute licet aversabatur auctor omnium malorū habitus est, in quem subditi insurgere non verebantur; quemadmodū fusiū hanc rem exponunt Pufendorfius, Hornius & Hubnerus, ad quos lectorē remittimus. Addat etiam, si placuerit, Observationes Strimesii ad publicas relationes Anni 1723. N:is 19. & 21. & Historiam Gothanam pag. 809. seq.

(a) Horn, Orb. Imper. p. m. 214. (b) In Introd. ad Hist. p. 254. seq. (c) De Republ. Libr. II. Cap. 5.

(d) Vid. Cambden. Annal. Angl. A. 1586.

(e) Lib. Cit, p. 258.

§. XI.

Rex per Hothamum, Hullæ præfetum, aditu prohibitus, urbem tam gravi obsidione tenuit, ut oppidani rebus suis pene diffiderent. Tum vero Oliv. Cromvellus, qui se Parlamento commendatum, ejusque favore promotum cupiebat, memor dicti: *Audaces Fortuna iuvat*, opportunum tempus aleas suæ sortis experiundi ratus est. Impertratis igitur a Parlamento duodecim equitibus, media nocte, instar avis castra regis feliciter pervolavit & ad muros recta tendit via. Ab Hothamo statim agnitus, cum commilitonibus, unotantum amissio, intra mœnia summa lætitia excipitur. Cujus adventus effecit, ut, qui nuper ditionem meditabantur, ad urbem non modo pro virili defendendam Oliv. Cromvelli oratione permoti fuerint, sed excursiones insuper crebras in obsidentes felici cum successu paraverint & brevi regem ad solvendam obsidionem coegerint. Sic tem-

pori callidissime inserviens Cromvellus, quam fortunæ & audaciæ debuit, expeditione ista suis rebus magnopere consuluit & nomen famosissimum sibi comparavit, urbis enim liberator ipse solus credebatur: Sic ad mentem Machiavelli fuste fortunam ursit & subagitavit, cohortique militari præ aliis præfici dignissimus illico habitus fuit.

Conf. Mach. Princ. p. 215.

§. XII.

Hoc fortunæ afflatu exhilaratus Oliv. Cromvellus magis magisque amorem militum ambire & ardenter studio militem colere instituit: cum animo suo procul dubio reputans, militum studio plurimos, ad principatum feliciter eventos fuisse, ut fatetur ipse Machiavellus, & exemplis comprobat Historia Romana. Etenim qui militem sibi devinctum habent, illi raro non solum periclitantur, sed citius quidquid moliuntur perficere renitentesque armis & vi cogere valent. Idcirco etiam, secundum

dum Machiavelli principia, principi, nefario modo, principatum invadenti necessum est e manu sua gladium nunquam deponere. Ad hanc Machiavellicam doctrinam, si militaria Ol. Cromvelli gesta examinentur, eadem haud dissimilia certe invenientur, & hujus hominis præcipuam tyrannidis vel adipiscendæ vel adeptæ salutem in armorum perpetuo exercitio collocatam fuisse apparebit. Erat ipse heroico ac interrito animo, gaudebat vigore ac felicitate agendi prorsus mirabili, & eapropter militibus admodum carus, ut præeuntem eum sequi ejusque nutui parere quasi certarent. Eo enim præsente ac salvo se vietas nunquam datus manus opinabantur; confirmavitque eos in illa persvassione proelium Eboracen-
se, in quo inferiores omnino discessissent qui eum sequebatur, vulnerato in primo conflictu Cromvello nisi ipse, obligato vulnere, suis, terga hosti dantibus occurrisset, suffuum copiarum præfectum,

Comitem de Manchester ad manus reduxisset, militem dispersum collegisset & pugnare renovasset. Quocirca a militibus ut pater & dux A DEO DATUS colebatur, quasi victoria adversus Scotos, Hibernos & quotquot a regis steterunt partibus arma perpetuo gessisset. Sed ut militantium nec studium, nec indignatio moderata est: ita profusa illa benevolentia, qua Cromvellum amplectebantur, suis cancellis circumscripta non mansit; quippe, cum citatus, sese coram Parlamento sisteret, ipsum armis cincti, ad fores usque, instar satellitum comitati sunt milites, sua opera haud dubie impedituri, ne, quod suspicabantur, imperium ipsi eripetur vel caussæ alicujus reus ageretur. Igitur ut militibus vicissim gratificaretur Ol. Cromvellus, per generum suum Iretonium, qui membrum Parlamenti erat, deinceps egit, ut quælibet cohors per totum exercitum suum haberet procuratorem, qui sigillatim suæ cohortis

hortis curam ageret, & singuli conjun-
ctim Cameram, seu Concilium consti-
tuerent. Hac instituta camera suam
penes exercitum exsurgere fecit poten-
tiā, quo melius exauctorare pro lubi-
tu atque acta rescindere posset Parla-
menti, penes quod, his artibus, umbra
tantum pristinæ auctoritatis relicta fuit.
Cujus rei evidentissimum in primis do-
cumentum edidit cum Parlamentum ad
novas pacis conditiones Regi ferendas
consiliū iniisset & ipse, militū insolentia
fretus non tantum impediret institu-
tum illud, verum Regem etiam e mani-
bus Parlamenti ereptum hominibus,
suis partibus addictis custodiendum af-
fereret. Quo facto ipsi neque difficile
erat, absolutum totius reipublicæ im-
perium adipisci, cum, nutu ejus, jura
majestatis tantum non omnia admini-
strabantur. Verum ut vulpinam suam
astutiam modestiæ specie tegeret & le-
gitimo titulo capessere videretur, illud,
quod abhinc aliquot annos exercuerat,

im-

imperium sibi offerri curat, oblatumque primum quidem recusat mox autem, seposito regio, sub ficto Protectoris nomine recipit, & regia pompa inaugurator. Ad protectoratum electus, armis ulterius dominatum suū stabilire conatus est. Ideoque mucrones quibus antea cives appetebantur, jam in exterorum ora convertit, primum Batavos infestando, & his victis ac ad pacem compulsis, piratis, Hispanisque Americanis bellum movendo, ne sineret bellicosam Anglorum gentem otio torpescere & seditiones in ipsius caput ciere. Sic maximas semper moliendo res, ansam & locum sui oppugnandi civibus præripuit & singulorum animos suspensos atque retum eventu occupatos, magistro Machiavello, detinuit.

Mach. Princ. pag. 22. 37. 58. 72. 91.

§. XIII.

Militarem Ol. Cromvelli perlustravimus curam, jam ad religionem progradimur, quæ inter vincula societatis humanæ firmissimum communiter haberi

solet;

solet; ideoque propugnaculum magistratus, basis omnis regiminis ac fundamentum legislationis a Platone & Plutarcho nuncupari meretur (a). Hanc quo magis fartam tectamque servare student principes boni publici amantes, tanto non ipsos se solum magis tutos præstabunt, subditos in obedientia continebunt, sed internam & externam pacem quoque firmabunt suamque felicitatem commode promovebunt. Quamdiu enim religio ex omni parte integra, salva ac illæsa permanferit, in salvo quoque civitas stabit; labante autem religione, haud raro collabascit & ipsa. Verissime igitur cecinit Palingenius: Religio generis decus est & gloria nostri Quæ nos conciliat superis & jungit O-

lymbo (b)

Absit per omnem modum, ut fictum ac simulatum numinis cultū intelligamus, qui ut ut temporariam quandam utilitatem cultoribus adferat, demita larva cum ad ultimum prodit tamen: Omnia

enim facta, ut verbis utar Ciceronis, tan-
 quam flosculi decidunt, nec quidquam
 simulatum potest esse diuturnum (c).
Et si homines, virtutis gravitate clari, si-
 mulationem detestentur & assentatori-
 bus graviter indignentur, quanto ægrius
 obsecro! hypocrisin feret summus ille
 rerum ac cordium scrutator, qui se nun-
 quam patitur decipi. Pessime igitur, nisi
 me omnia fallant, principem suum in-
 struxit Machiavellus, simulationem &
 dissimulationem, etiam in rebus religio-
 nem concernentibus commendando;
 cum tamen principi Christiano nihil pe-
 riculosius & magis detestandū sit, quam
 contra religionem facere quidquam, ut
 statum conservet & imperium stabilitat;
 seu, ut garrit iste impostor, “pietatem,
 „fidem & religionem semper, actioni-
 „bus licet pessimis obtendere & ita se
 „gerere, quasi eam sancte coleret, ut o..
 „mnibus fucum faciat. „ Execrandam
 hanc doctrinam vix melius quisquam
 Ol. Cromvello calluit tamen, qui per to-
 tam

tam fere vitam larva pietatis DEum fal-
 lere conatus est, quid mirum, si homines
 sefellerit. Certe maximus zelotes, ar-
 dentissimus religionis observator & pie-
 tatis cultor, licet nihil minus esset, ipsis
 facile videtur, qui facta ipsius religiosa,
 ne dicam superstitiosa, intimius non ri-
 mantur, sed externis se deludi patiuntur.
 Ab ipsa enim adolescentia religiosus vi-
 sus fuit: Nam, quo tempore Episcopa-
 lem inhiabat tiaram ejusque obtainendæ
 spe tumescens, miram prætulit sancti-
 tatem: bis ad minimum de die templum
 adiit, genibusque flexis omnium arden-
 tissime orare credebatur. “Lacryma-,,
 batur, precabatur, pœnitentiam age-,,
 bat, donec sub quinta costa trajecerit,,
 alloquentem(e).,, Eleemosynam mendi-
 cantibus quoque large distribuit, addita
 saepe hac admonitione: “Pro Regis &,,
 reipublicæ salute DEUM precamini.,,
 Nec, postquam in turbida discordiarum
 aqua piscari cœpisset, ulla res tantilli
 erat momenti, quin eam a nominis di-

vini invocatione ordiretur; belle quidem hoc, si stygius anguis in herba non latuisset. Neminem nisi sacris Protestantium addictum, in numerum militum adscivit. Mane & vesperi in castris preces Deo offerendas curavit. Librum precatiōnis in usum militum ipse confecit, & peculiarem militibus Catechesmum, ejus quoque cura impressum, commendavit. Si militi ipsum adire contigerit, rationem redderet religionis suæ. Cives & commilitones ad jejunia, publicas preces ac feriam pœnitentiam toties, verbis non minus, quam proprio exemplo exhortatus est, quoties vel cum adversariis configendum, vel super re gravi aliquod consilium capiendum esset. Ubi nec oblivioni tradendum, quod Hullæ sacerdotis æque ac militis munus obiit, obsessos exhortando & prophetæ instar divinam ipsis promittendo opeim, quoniam pro religione & libertate dimicandum esset. In Midlersexia cum certi convenissent delegati, qui pace ac concordia

dia inter Regem & Parliamentum sancita, tumultibus finē imponere curarent; Cromvellus, qui etiam legatione fungebatur, monuit, ne quidquam prius deliberarent, quam summi omnium Moderatoris auxilium ac gratiam implorassent. Admiratione vero dignissimum quod licet tot adessent Sacrorum ministri, consilii cuius auctor fuerat, ipse nihilominus executor existiterit. Speciosa hæc omnia sunt, sed larva detracta fœter impietas, uti mox constabit. Ab eo tempore, quo in Anglorum manus a Scotis, certa pecuniæ numerata summa, traditus est infelix Rex & a sævissima gente non ut Rex, sed ut percussor veneficus a carcere in carcerem traductus fuit; protector ille parricida, qui ad eas miseria rum angustias redacti Regis sanguinem, quasi optimum suæ provehendæ ambitioni medicamen, sitiit, de pessima caussa diffusus, sanguinolenta cogitata velamine pietatis involvere tum maxime quæsivit. Noverat enim populum Regi, ob religio-

nis, quam tentavit, mutationem, maxi-
me infensum esse. Hinc certos judices,
seu commissarios suæ factionis, qui, an-
reus vel insens accusati & objecti crimi-
nis esset Rex, examinarent, ipso Christi
natalitio eligendos festinavit, simulans
ea, quæ DEum & religionem concerne-
rent, negotia ferias ignorare, & liberta-
tem patriæ una cum religione pluris faci-
endam, quam superstitionem; ita enim
ipsi audit sacratissimum hoc festum. Hoc
regii sangvinis tribunali instituto, diem
9. Jan. 1649. solennem per totum re-
gnum precibus destinavit. Quo die & i.
psum singularem devotionē ostendisse,
& mendicis, uti credibile, ad magnam
multitudinem subordinatis, plus quā 500
Thaleros imperiales erogasse narrant.
Idem quoque 26 ejusdem mensis & anni
die fecisse legimus. Hæcce machinatus
est noster sine exemplo Politicus, ut popu-
lo persuaderet Regem propter gloriam
DEI & salutem publicam morte plecten-
dum esse: Lataque deum atque publi-

cata iniqua iniquissimorum judicū
 sententia, Rex die 30 Jan. non sine hor-
 rō extērōrum p̄nīcipū, & pene to-
 tiū orbis stupore securi percūtitur. Quan-
 tillum vero religionem & pietatem fe-
 cerit Cromvellus, testatur inter alia Mu-
 sarum sedes, ubi olim ipse juvenis literis
 operam dedisset, Cantabrigia, quā fun-
 ditus delevit, cujus omnia saera contu-
 meliose habuit, ex divorum ornamenti
 partim equorum tegumenta faciens, par-
 tim militibus collaria turpiter disper-
 tiens. Sacraria in stabula commutavit,
 ut cetera taceam, quæ fidem prorsus su-
 perant, ubi aræ steterant, loca, in huma-
 narum sordium receptacula convertit.
 Horrendæ blasphemiae, quæ larvatum
 hunc hominem conscientiam & religio-
 nem ludibrii instar habuisse nos dubita-
 re non sinunt.

(a) Apud Grot. de jure belli & pacis p. 340.

(b) Lib. VII. (c) Lib. II. Offic. Cap. XII.
 p. 175. (d) Mach. Princ. p. 71. 72.

(e) Jägers Histor. Eccl. & Civ. Lib. IX. Cap. 5.
 Tom. I. p. 763.

§. XIV.

Verum uti duarum præcipue in Anglia sectarum meminimus, operæ fortassis pretium erit inquirere, cuinam harum deditus ipse fuerit profanus impostor. Certe odium acerbissimum, quo in regem Carolum & ejus clientes, puta Episcopales ferebatur, Puritanismo addictum fuisse satis superque arguit, & demum impia Puritanorum ope funda-
menta jecisse tyrannidis suæ. Nihilo-
minus, ut vir sinceræ pietatis haberetur
& majorem sibi compararet famam, pro
capite (a) ac patrono novæ è Puritano-
rum schola prorepentis sectæ, Independ-
entium nempe, sese venditavit, qui
in paucis a Presbyterianis alias differunt.
Fuit alioquin Independētum secta com-
mune sectariorum asylum & receptacu-
lum, ubi in Anglia sese abscondiderunt
Anabaptistæ, Antinomi, Antiscriptu-
rarii, Quakeri, Ranteri, Levellerii &
ejus modi aliorum perditissimorum ho-
minū colluvies(b), qvorū circa dogmata
dissen-

dissensiones in suam utilitatem optime
 convertere novit Ol. Cromvellus, qui ce-
 teroquin factio[n]es, inimicitias & dissi-
 dia inter cives alere ac fovere callide sci-
 vit, quoties opportuna daretur occasio;
 ut, vel oppressis inimicis, famam nomi-
 nis sui augeret, vel dissociatis partium
 animis, ipse palmam reportaret, & tertius
 quasi interveniens tela in se invicem vi-
 brantibus servitutis suæ herile impone-
 ret jugū(c). Est hæc doctrina Machiavelli,
 erat hoc primarium politicæ Cromvelli-
 anæ principium: Proinde quamcunque
 sectam suo gaudere sensu, suoque mo-
 do sacra peragere permisit, ut diviso in
 varias sectas populo, omnis coëundi & in
 eum conjurandi facultas præriperetur.
 Et quid dicam de plurimis libris, quos,
 ut amarulenta Eridis poma, dissidii, vel
 excitandi, vel fovendi cauſſa clam vul-
 garat. Sufficit duorum saltē memi-
 nisse, Samariæ Anglicanæ & Prothei
 Puritani: Libri, qui Vulcano consecren-
 tur certe dignissimi. In Samaria sua An-

glicana cives in Regem, quem impio Israëlitarum Achabo assimilat, concitare laborat. In Protheo aliam rursus, & plane dissonam inflat tibiam, perjurii insimulando quotquot se Regis auctoritati & Ecclesiæ Anglicanæ opponere auderent : merito id quidem, sed utinam ex animo. Sed quis non videt retia funesta Regitendi, alterutro isto scripto. Dum certo certius sibi persuadere posset Puritanos & Parliamentarios hoc scriptum indigne laturos & in Regem gravissime exacerbatum iri, cum non nisi a Regis cliente evulgatum suspicari possent. Exempla plura adducere opus non est, cum latis constet Ol. Cromvellum, hominem, Prothei instar, versatilis ingenii fuisse & pro sua, quam unice quæsivit, privata utilitate cuicunque sectæ adhæsse.

(a) Inde Rex Independentium quoque audit apud Jägerum Hist. Eccl. & Civ. Lib. IX. §. Tom. I. pag. 763. (b) Hist. Goth. p. (c) Mach. Pr. p. 88.

§. XV.

Quamobrem dominatum suum non
bene

benevolentia & amore, sed metu civium
 quoque muniendum ivit. Cumque sibi
 ut Machiavellico principi h. e. Tyranno
 utilius duceret metui, quam amari, ideo
 neque, nisi deleta legitimi principis stir-
 pe, & interfectis proceribus a cædibus &
 sangvine abstinuit. En genuinam caus-
 sam funestissimæ Caroli cædis! Horret a-
 nimus cogitatione rei! Carolus Stuartus
 modo tanti Regni Princeps, ut maleficus,
 libertatis & Religionis hostis regnique
 proditor vita privatur, ut locus esset
 parricidæ Ol. Cromvello thronum ad-
 scandendi & imperium injustissimum in-
 sontis Regis sangvine stabiendi. Quid &
 quod percussorem in caput principis hæ-
 reditarii Caroli II. decollati Regis pri-
 mogeniti Filii emere & exteras potesta-
 tes in perniciem ejus sollicitare summo
 studio annitebatur. Catalogum proce-
 rum ac nobilium vi & fraude ipsiusinter-
 emitorum dare non vacat: Historias adi-
 sis & dellocatos vide Hamiltonios, Mon-
 trosius, Episcopos, Bañones, Comites,

plurimos alios. Et quidni lupina ista crudelitate civibus terrorem incuteret, cum exercitum circiter 25000 armatorum ex gente Anglorum & 1000 ex Scotis in illius esse potestate conspicerent, qui militares animos, nervorum instar, quo vellet, flectere optime calluit. Verum prout omnis ille, qui metu civium, imperium suum stabilire vult, alios etiam metuat necesse est: Sic ille cum privilegio proditor(a) formido losus civibus, cives vehementer reformidabat, ita ut omnē curam adhiberet, ne venenosō cibo, potu vel amictu perimeretur. Hinc quindecim domi suæ cubilia pariter adornari curavit, & ne ulli, ne quidem uxori notum esset, in quonam horum pernoctaret, callide effecit(b). Commune omnium Tyrannorum malum & vitæ flagitiosæ asylum: Nempe conscientia obstrepente, qvum dormire non possunt scelerati, agitant eos furiæ, non cogitato modo, sed imprimis consummato parricidio(c).

(a) Jägers Histor. Eccl. & Civ. Lib. IX. Cap. 5. Tom. I.

p. 763. (b) Les Avantures de Télémaque p. 48.

(c) Curt. Lib. VI. p. 10.

§. XVI.

Supereft , ut breviter disquiramus : Annon Ol. Cromvellus nihil prorsus e- gerit in conservationem ac utilitatē rei- publicæ Anglicanæ ? Quod inficias adeo absolute ire non sustinemus ; cum vix ul- lum tam flagitiosum facinus sit , ex quo non aliquid boni , ſaltem per accidens proveniat . Et quidni affirmandum non- nulla Ol. Cromvelli facinora ufui fuisse reipublicar , licet ipſe primario ejus utili- tatem pro ſcopo non habuerit ? Nullate- nus vero tanti facienda , ut a Tyrannidis culpa ipsum liberent , & ea , quæ a Magi- stro ſuo Machiavello didicit , ipſoque o- pere exsequtus eſt , excufēt . Aſt impia via Principem ad tyrannide m deducto , quid conſilii ſuggerit Machiavellus ? Monet ut Principatum bonis legibus , bonis ar- mis , bonis amicis , bonis denique e- xemplis decoret & corroboret (a) . Quā e- gregie Cromvellus hoc quoque exsecu- tus ſit , cui libet obvium eſt : armis enim felicem tota ferme Europa admirata eſt ,

sicuti Paulo ante diximus. Hinc fœdera
cum potentissimis Europæ principibus
pepigit, imprimis cum Svecis atque Fran-
cis, unde Angliæ haud exiguum accessit
robur. Memoratu quoque dignum est,
literas ceu ad fœderatum suum, Gl. m.
Carolum Gustavum Svethiæ Regem,
Westmonasterii die 29. Junii 1658. datas,
omnium ultimas esse, quibus, ut Prote-
ctor, suum ad posuerit nomen & exteris
Principibus transmiserit. Præterea cum
leges sint quasi imperiorum fulcra, qui-
bus inniti debeant; ita necesse fuit Crom-
vello, mutato regiminis statu, etiam le-
ges fundamentales, vel immutare, vel
novis statutis augere, cum indole novi
principatus sui, quam olim magis conve-
nientibus. Ejusmodi sunt, inter alia
mandata, edicta & constitutiones, vel
instinctu, vel nomine ejus publicata: qui-
bus, cum Monarchico imperio, Regium
nomen proscriptis, Liturgiam abolevit,
Ceremonias circa sacra partim innova-
vit, partim abrogavit; usum alearum,

teſſe-

tesserarum & similiū, omnemque luxum
in victu & amictu severē cohibuit &c. Ut
tique horum pleraque laudari mererentur,
nisi simulatorem Ol. Cromvellum
auctorem habuissent, qui vel nimiæ se-
ctandæ ambitionis, vel injustæ suæ do-
minationis fulciendæ instituto pessimos
civium mores apparenter saltrem emen-
dare studuit, ut quædam etiā laudabilis
memoriæ suæ vestigia posteritati relin-
queret. Patet hoc ipsum ex illa vitæ inte-
gritate, quæ libidinosam illius, quam
antea egerat vitam, seqvuta est. Quippe
protector factus, tantum ex satietate tæ-
dium & fastidium eundem cepit illius
vitæ, ut in libidinosos, sui æmulos, ut ce-
tera omittam vitia, graviter ac læpe ca-
pitaliter animadverteret.

(a) Mach. Pr. pag. 99.

§. XVII.

Sic levi penicillo non omnia, sed pau-
ca tantummodo Ol. Cromvelli facinora
& Nic. Machiavelli dogmata tetigi. Me
vero pleraque eorum, quæ de Cromvel-
lo adduxi, Gregorio Leti, Raguenetto

Anonymo cuidam, qui in ejus gestis enucleandis sudarunt, debere lubens fateor. Uberiorem selectum facere & plura persequi, utpote qua ratione belluinum, vulpis puta & leonis ingenium pro vicissitudine temporum atque rerum scite permiscuerit, a sententia semel pronuntiata nunquam passus sit semet dimoveri, nec ullo fortuito casu & eventu mutari, prout a Machiavello ista quoque & alia loge plurima docentur (a), propter tenues ingenii vires, maximam, qua urgeor, temporis angustiam & sumptus, quorum praecipua mihi ratio habenda sit, non licuit. Eapropter B. L. enixe rogatum cupimus, innoxium conatum benigna fronte aspicere, candide interpretari & nobiscum seria ad coelestia fundere vota velit, ut pro summa sua benignitate imperiorum Stator & conservator ille Summus & Justissimus protegere ac conservare dignetur regna, respublicas, civitates & omnem denique majestatem, imperates ac paretes singulaque singulorum ordinum membra a consiliis Machiavelli & artibus Cromvelli.

(a) Conf. Mach. Pr. p. 37. 70. 73. 80.

H. L. & G. S. D. B.